


保康縣志



同治丙寅年鑄

附辛未年補遺

保康縣志新纂

板存東山書院

保康縣志序

邑之有志所以紀山川辨風土考古今述人物者也。鄭陽郡界秦楚之際素僻陋罕掌故而保康又爲房縣所析明宏治間始分治雖往代累有傳播而多統於房無復表見然則將何以爲志曰志之爲志雖主於記載亦以俟爲民牧者鑒而觀焉審如是又何必誇多鬪靡炳燿簡冊而後爲志哉闕其所無詳其所有足以有裨於治化斯已矣東吳宋君菊抵以儒生爲循吏於同治乙丑蒞是邑適當事有督修之役遂奮然以爲已任而邑之舊志燬於兵火者再矣大治楊君慰農秉鐸十餘年灼知地方利病又留心蒐訪有素爰與邑諸生哀而輯之越期月而蕝事廼以稟本郵寄索予一言予受而讀之卒簡知二君之所以爲是書者固爲吏治民風計至深且遠而非獨紀山川辨風土考古今述人物已也異日膺司牧之責者覽斯志而知斯土之所以爲治也豈非大有裨於治化哉於是乎書

同治四年歲次乙丑季冬上澣湖北安襄鄖荆備兵使者仁

和王文韶夔石氏識於襄陽官廨

保康縣志

卷首

序



保康縣志序

癸亥夏昆攝保康篆下車時訪求邑乘家無其書嗣攷鄖陽郡志載黃義峯纂保康志未刊及詢諸父老而先生烏有其稿本亦無存乃於甲子春集諸君子而謀之曰邑之有志猶國之有史也上而政治下而風化所關最鉅保康自明宏治十一年分房之修文宜陽二里爲邑迄今三百餘年志書闕如修之烏可緩哉司鐸楊公力贊斯議遂命諸紳士分司其事是年七月適昆有勳理秋闈之役宋刺史及瓜而代謀付劄劄昭示來茲誠盛事也諸君子以昆倡修亟以序請爰郵

保康縣志

卷首 序

寄數語誌諸簡端

同治五年丙寅同知銜黃岡縣知縣前署保康縣事岱青林讓昆序於西陵官廨

保康縣志序

朝廷設官甚衆其與士民相親者邑之官師爲最志乃官師之鑑也攷自班孟堅以志易書後後漢增輿服志唐宋遼金元增選舉兵制志類皆有關一代大典豈爲官師顧我

國家承平已久海澨山陬疇弗廩廩於制度文爲燦然大備惟是邑在層巒疊嶂中素無衍沃之地可以比屋居民而四方之繭足而至者又復散處陵谷間往往人自爲風家自爲俗熙竊以爲端本善則無如官師况乎志之大端曰地輿曰建置曰祠祀田賦曰人物兵防治忽誰司功過誰任官師顧

保康縣志

卷首

序

不重哉今欲嚴訂官箴以表率乎士民舍志其奚以作志者權不操夫褒貶心則同此好惡卽不翹人之過豈能匿人之善誠使爲官師者日手一編以人爲鑑內而觸目警心外而整躬率物以節儉培瘠土以廉明恤窮簷以正大剛方式庠序教行於上風動於下又何士習民風之不蒸蒸日上哉熙初履任求志不得詢知前任林君有是議未竟而去熙乃躊躇者久始得刻期成書案牘勞形且有荆建書院之役一辭未遑贊猶幸儒學楊君閉門而造先得我心故泚筆而據意如此 同治四年乙丑冬初代理縣事菊坻宋熙曾撰

保康縣志序

朝廷設官甚衆其與士民相親者邑之官師爲最志乃官師之鑑也攷自班孟堅以志易書後後漢增輿服志唐宋遼金元增選舉兵制志類皆有關一代大典豈爲官師顧我

國家承平已久海澨山陬疇弗廩廩於制度文爲燦然大備惟是邑在層巒疊嶂中素無衍沃之地可以比屋居民而四方之繭足而至者又復散處陵谷間往往人自爲風家自爲俗熙竊以爲端本善則無如官師况乎志之大端曰地輿曰建置曰祠祀田賦曰人物兵防治忽誰司功過誰任官師顧

保康縣志

卷首

序

不重哉今欲嚴訂官箴以表率乎士民舍志其奚以作志者權不操夫褒貶心則同此好惡卽不翹人之過豈能匿人之善誠使爲官師者日手一編以人爲鑑內而觸目警心外而整躬率物以節儉培瘠土以廉明恤窮簷以正大剛方式庠序教行於上風動於下又何士習民風之不蒸蒸日上哉熙初履任求志不得詢知前任林君有是議未竟而去熙乃躊躇者久始得刻期成書案牘勞形且有剏建書院之役一辭未遑贊猶幸儒學楊君閉門而造先得我心故泚筆而摠意如此 同治四年乙丑冬初代理縣事菊坻宋熙曾撰

保康縣志序

江文通曰作史之難莫難於志蓋綜一代之典章制度徵文考獻勒爲成書非兼才學識三長而又折衷至當者不能垂久行遠也若郡縣之志地近則聞見較真事約則網羅較易採而輯之不資著作才似無難焉然亦有難焉者遐方僻壤沿革無稽習俗殊風敷陳非典則討論難且體兼表傳官師人物不盡可傳古蹟藝文不堪稱述則潤色難至一方之孝子貞婦義烈可風者或貧賤而不能上達或年久而事蹟失傳九原不作望古徒勞則採訪難若其稍有勢力者則又妄

保康縣志

卷首 序

意干名賄邑紳丐當事佳傳索米穢史貽譏則核實難又况邑舊屬房自前明宏治分建至今前志稿脫於黃學師手既燬於嘉慶丙辰後志稿輯於王明經手又燬於咸豐丙辰一部風俗書兩遭烽火劫欲成厥志豈不難哉楊君好古績學振鐸有年不諉其難而與門下士王生燮庭等博訪周諮事閱兩年釐爲七卷凡夫山川形勢之衰延土地人民之廣衆政典禮制之賅備戶口賦役之區分以及官師人物中之嘉言懿行斷碣殘碑數百年埋沒於箐深林密間者皆了了得窺其眉目而幽明感應禍福萌兆亦附紀於後爲訓俗型方

者勸且懲纂言紀事植爲楷模搦管操觚歸其儀的洵不虛  
外史之職而克犯所難者矣宜乎前太守陳公之以體例嚴  
明叙述簡鍊不愧作手稱也書開雕於丙寅春三月倡議於  
甲子前邑令林君籌款於乙丑前代理邑令州牧宋君予於  
四月抄奉蒞茲土不先不後弗慮弗爲三閱月即獲觀厥成  
身未嘗親預其難心未嘗不知其難也予爲予幸予爲楊君  
幸予爲監修分纂諸君幸以見天下無難成事有志者不可  
畏難云爾是爲序

同治五年歲次丙寅七月既望

保康縣志

卷首 序

二

賜進士出身知保康縣事浙東餘暨林煊煦齋氏書於修省

堂之馴鶴種梅軒



保康縣志序

志難於因尤難於創初咸豐癸丑夏邑有齋志稿來謁者曰  
乾隆年中學師華亭黃公撰有志稿燬於嘉慶丙辰之亂後  
二十餘年王明經靄峰復為採輯此其手錄敢請論諸邑侯  
以梓之世比閱竟病其冗而心竊許可尋寄邑紳家越四年  
丙辰火於兵夫志裨於政國計民生賴焉向使鋟梨棗以廣  
其傳何至兩阨於丙辰而漸滅若此甲子春林明府倡修志  
議謬以鉛槧屬世夫作史之難江文通以為無過於志人豈  
不自知而甘蹈趙崇稔僭妄之譏固辭卒不獲乃與邑王生  
燮庭啓瑞謀邑謀野務求不汎不略踰年役始蒞蓋無可因  
也顧以為創敢乎哉譬諸畫績之事後有踵而增華者倘以  
此為素功則幸甚

保康縣志

卷首

序

同治四年歲次乙丑六月中浣

道光

乙未

恩科舉人保康縣儒學

教諭楊世霖慰農氏謹序



例言

一邑舊屬房陵自唐虞趙宋太祖時置保康軍邑名始此前明宏治年間分房之宜陽修文二里爲保康縣宏治以前沿革渾詳房志不必贅卽人物選舉房志已載而未注明宜陽修文里者恐滋冒濫不敢妄入

一康對山志武功前有總序議者以爲詭稱高簡然志以傳信誇多闕靡吾無取焉後世作志家每條分有小序相沿爲式茲不敢襲以陳言務去也

一山川形勢以筆代舌圖說立詳務期脈絡分明源流清晰

保康縣志

卷首

例言

至於隘口有關兵防尤宜慎重臚列其有八景無關民事何以圖爲

一志有官師表止於編年鄭康成云表明也謂事微而不著須表明也邑在萬山中瘠苦實甚已往各官果能有爲有守卽於其人名下附紀事實是卽所以表之也烏用墨守史家體例爲哉

一斑固藝文志只載書名後世綴以詩文非古也邑志稿失至再前輩諸作散佚無存未必後來者畢竟壓倒又况人之可傳可法豈在詩文此條不設黜浮夸也碑記埵載重

其人與事也

一 人物所該甚廣非獨忠孝節義若此人物選舉而二之是別選舉於人物外殊非 國家取士文行並重至意茲特合爲一卷膺選舉者當勉爲一代人物

一 嘉慶十二年以後俱係新纂以前多宗府志然亦有不取以訛傳訛者如府志載嘉慶元年賊目王蘭云云近查王自新派名鑾時爲諸生被虜以密函約鄉勇克復縣城嘉慶六年自新考取辛酉科拔貢至今其墓尚存而府志乃有械送京師之說是不可不辨餘倣此

保康縣志

卷首

例言

二

一 節婦貞女風化攸關採訪歷十三年並示其家不可糜費卽廩增附赴學具結概免其贄奈邑中居民除城市外村落稀少甚至在岑蔚之處陵谷之間自成一家單獨無鄰採訪不易姑就近日舉報及從前已 旌者纂入

一 志凡七篇如地輿建置祠祀田賦人物兵防其間興除利弊有司爲政故諸條在前而官師殿後以示責有攸歸

一 邑中祥異幾何然亦不可略非如齊諧志怪使人鬼眼湏耳亦欲守土者知祥之所以召而懼欣奮勉思異之所由來而恐懼修省云爾故附官師後以資警覺

楊世霖謹識

保康縣志目錄

卷首 序 例言 目錄 姓氏 圖說

卷一 地輿 疆域 隘口 風俗

卷二 建置 城池 公署 學校 坊表 書院

卷三 祠祀 寺觀 市集 舖遞 津梁

卷四 田賦 戶田 蠲政 丁糧 稅課 倉儲 物產

卷五 人物 忠孝 節義 列女 選舉 捐職 封典

卷六 兵防 兵制 兵事

卷七 官師 宦迹 增祥異

保康縣志 卷首 目錄

卷末 補遺

新修保康縣志姓氏

鑒定

特授 鄖陽府 知府陳壽圖 字達甫江蘇嘉定縣人道光辛丑科進士

倡議

前署保康縣事補黃岡縣知縣林讓昆 岱青廣東平遠人道光己酉拔貢

籌款督梓

代理保康縣事分缺先補知州宋熙曾 菊坻蘇州吳縣人附貢

特授 保康縣知縣林煊 煦齋浙江蕭山縣人同治壬戌科進士

纂修

保康縣志

卷首

姓氏

保康縣學教諭楊世霖 慰農大冶縣道光乙未恩科舉人

協修采訪

邑 優 廩 生王燮庭 子均

郡 廩 生 邑 人王啟瑞 蔭軒

邑辛酉科拔貢試用訓導朱錦標 得軒

分纂

邑 廩 貢 候 選 訓導王芝庭 集仙

邑 廩 生朱承業 紹甫

邑 優 廩 生周顯鎬 西垣

邑 廩 生吳映祥雲千

校對

邑 歲貢候選 訓導王槐晉應臺

邑 恩貢候選 訓導王明福子受

邑 優附 生周大純子厚

候選縣丞 邑 人吳慶棠星橋

邑 歲貢 生汪成業益堂

監梓

保康縣典 史董賜和雙堂浙江山陰人

保康縣志 卷首 姓氏 二


署 保康縣典 史王德隆秩階陝西洵陽人

# 德慶圖

保康縣志

卷首輿圖

西




類屏風背抽一支直至開峰峪上首對面山清吉寺止其右  
 水各支流至豆沙河口會眾水繞縣城出開峰峪其左水各  
 支流與房之羊兒灣水以及沿途各溝水相會至開峰峪諸  
 水至此聚會入南河行十餘里至東莊峪入穀城界若望夫  
 山以前向東發兩支最南一支爲邑九里段江南與泉湖黃  
 坪河抵界次一支爲邑歇馬河南與九里段江相隔霸王河  
 其水東流入南漳之通城河山水大概如此惟道難於蜀人  
 者輒迷所往說略


保康縣志

卷首 圖說

保康縣城全圖

四





保康縣志

卷首

城圖

二

縣治八景

筆架雲屏

魚躍春湍

釣磯石級

烏啼夜月

浮泉古洞

銀溪濺雨

滴水高崖

金渡樓霞